





唐詩紀事卷第五十八

温廷皓

韋蟾

李敬芳

李漢



李郢

韓琮

劉滄

柳棠

賀蘭朋吉

崔珏

李洞

長孫翽

崔魯

曹唐

于武陵

霍揔

劉魯風

盧尚卿

温廷皓

尚書東苑公鎮襄陽成式廷皓蟾皆其從事上元唱和  
詩各三篇成式詩云風杪影凌亂露輕光陸離如霞散  
仙掌似燒上峩眉道樹千花發扶桑九日移因山成聚



象下復藉蟠螭又云踔出多寶塔往來飛錫僧分明三  
五月傳照百千燈馴狎移高柱慶雲遮半層夜深寒焰  
白猶自綴金繩又云磊落風初定輕明雲乍妨踈中搖  
月彩繁處雜星芒火樹枝柯密燭龍鱗角張窮愁讀書  
者應得假餘光

廷皓詩云一峯當勝地萬點照嚴城勢異崑崗發光疑  
玄圃生焚書翻見字舉燧不招兵况遇新春夜何勞秉  
燭行又云九枝應並耀午夜思潛然景集青山外螢分  
碧草前輝華侵月影歷亂寫星躔望極高樓上搖光滿  
綺筵又云春山收暝色燭火集餘輝景饒紅燭祥光

出翠微白榆行自比青桂影相依唯有偷光客追遊欲

忘歸

廷皓咸通中為徐州崔彥曾幕府龐勛反以刃脅廷皓  
使為表求節度使倨答曰我豈以筆硯事汝耶其速殺  
我遂遇害

廷皓梅詩云一樹寒林外何人此地栽春光先自煖陽  
艷暗相催曉覺霜添白寒迷月借開餘香低惹袖墮藥  
逐流杯零落移新院颺揚上故臺雪繁鷺不識風裊蝶  
空迴羞吹應愁起征徒冀渴來莫貪題詠興商鼎待鹽  
梅



韋蟾

上元唱和詩云新正圓月夜尤重看燈時累塔嫌沙細  
成文訝筆遲歸牛疑燧落過鴈悞書遺坐惜蘭膏盡還  
為隔歲期又云舉燭光纔起揮毫勢競分點時驚墜石  
挑處接崩雲辭異秦丞相銘非寶冠軍唯愁殘焰落逢  
王亦俱焚又云多寶神光動生金瑞色浮照人低入郭  
伴月夜當樓熏穴應無取焚林固有求夜闌陪玉帳不  
見九枝留

蟾廉問鄂州罷賓僚祖餞蟾曾書文選句云悲莫悲兮  
生別離登山臨水送將歸以牋毫授賓從請續其句遂

巡有妓泣然起曰某不才不敢染翰欲口占兩句韋大  
驚異令隨念云武昌無限新栽柳不見揚花撲面飛坐  
客無不嘉歎韋令唱作楊柳枝詞

蟾為左丞至長樂驛見李涉給事題名題其側曰渭水  
春山照眼明笑人何事寡詩情只應學得虞姬婿書字  
才能記姓名

蟾字隱珪下杜人大中七年進士登第初為徐商掌書  
記終尚書左丞梅詩云高樹臨溪艷低枝隔竹繁何須  
是桃李然後欲忘言擬折翬先斷頻看眼更昏誰知南  
陌草却解望王孫



題僧壁云一竹橫簷挂淨巾竈無煙火地無塵剃頭未必知心法要且閑於名利人段成式和云有僧支頰撚眉毫起就夕陽磨剃刀到此既知閑處樂俗心何啻九牛毛

送盧潘尚書之靈武云賀蘭山下果園成塞北江南舊有名木木萬家朱戶暗弓刀千隊鐵衣鳴心源落落堪為將膽氣堂堂合用兵却使六番諸子弟馬前不信是書生

贈商山僧云商嶺東西路欲分兩間茅屋一溪雲師言耳重知師意人是人非不欲聞

李敬芳

天台閼望云天台十二句一片雨中春林果垂楊盡山苗半夏新陽烏暗展翅陰鬼夜飛輪坐望無雲物分明見北辰

勸酒云不向花前醉花應解笑人只憂連夜雨又過一年春

聞高侍郎卒貶所云京西高院長直氣似吾徒走馬論邊備飛聲感廟謨官移人未察身沒事多符寂寞他年後名編野史無

遣興云果窺丹竈鶴莫羨白頭翁日月仙壺外筋骸藥



曰中雲歸無定所鳥跡不留空何必勞方寸崎嶇問遠公

汴河直進舡云汴水通淮利最多生人為害亦相和東南四十三州地取盡脂膏是此河

字中虔登長慶進士第大和中為歙州刺史大中時顧陶集唐詩類選云李歙州敬秀才力周備興比之間獨與前輩相近家集三百首簡擇律韻八篇而已雖前後賈絕或畏多言而典刑具存非敢避棄

李溟

喬木掛斗色水驛壞門開向月片帆去背雲行鴈來晚

年名利跡寧免路岐哀前計不能息若為玄鬢迴無溟題以是詩得名張為取作主客圖

貫島送溟謁宥州李權使君云英雄典宥州迢遞苦吟遊風宿驪山下月斜灞水流去時初落葉迴日定無秋太守携才子看鵬百尺樓

李郢

重陽日寄浙東諸從事云野人多病門長掩荒圃重陽菊自開愁裏又聞清笛怨望中難見白衣來元瑜正及從軍樂寧戚誰憐叩角哀紅旆紛紛碧江暮知君醉下望鄉臺



奉陪裴相公重陽日游安樂池亭云絳霄輕靄翊三台  
嵇阮情懷管樂才蓮沼昔為王儉府菊籬今作孟嘉盃  
寧知北闕元勳在漢賜蕭何等北闕大第却引東山舊客來自笑  
吐茵還酩酊日斜空從絳衣迴

和湖州杜員外冬至日白蘋洲見憶云白蘋亭上一陽  
生謝朓新裁錦繡成千嶂雪消溪影綠幾家梅綻海波  
清已知鷗鳥長來狎可許汀洲獨有名多愧龍門重招  
引即拋田舍棹舟行

贈羽林將軍云虬髯顛顛羽林郎曾入甘泉侍玉皇鵬  
沒夜雲知御苑馬隨仙仗識天香五湖歸去孤舟月六

國平來兩鬢霜唯有桓伊江上笛卧吹三弄送殘陽

上裴晉公詩云四朝憂國髮如絲龍馬精神海鶴姿天

上玉書傳詔夜陣前金甲受降時曾經庾亮三秋月下

盡羊曇兩路碁惆悵舊堂高綠野夕陽無限鳥飛遲

江亭春霽云江籬漠漠荇田田江上雲亭霽景鮮蜀客

帆檣背歸燕楚山花木怨啼鶻春風掩映千門柳晚色

凄寒萬井煙金磬泠泠水南寺上方僧室翠微連

寒食遠望云舊墳新隴哭多時流世那堪幾度悲鳥鵲

亂啼人未遠野風吹散白棠梨

七夕寄張氏兄弟云新秋牛女會佳期紅粉筵開玉饌



時好與檀郎記花朵莫教清晚羨蛛絲

七夕云烏鵲橋頭雙扇開年年一度過河來莫嫌天上  
稀相見猶勝人間去不回欲減煙花鏡俗世暫煩煙月  
掩粧臺別時舊路長清淺豈肯離心似死灰

中元夜詩云江南水寺中元夜金粟欄邊見月娥紅燭  
影迴仙態近翠環光動看人多香飄彩殿疑蘭麝霧透  
輕衣雜綺羅湘水夜空巫峽遠不知歸路欲如何

字楚望大中進士終於御史

郢有詩云江風徹曙不成睡二十五聲秋點長最為絕  
絕郢光遠載於金華子

李義山汴上送郢之蘇州云人高詩苦滯夷門萬里梁  
王有舊園煙幌自應憐白紵月樓誰伴詠黃昏露桃塗  
頰依苔井風柳誇腰住水村蘇小小墳今在否紫蘭香  
逕與招魂

杜牧之湖南正初招郢云行樂及時時已晚對酒當歌  
歌不成千里暮山重疊翠一溪寒水淺深清高人以飲  
為忙事浮世除詩盡強名看著白蘋牙欲吐雪舟相訪

勝開行

方干贈李郢端公云非唯孤峭與世絕吟處斯須能變  
通物外搜羅歸大雅毫端剪削有餘功山川正氣侵靈



府雪月清輝引惠風別得人間上昇術丹霄路在五言  
中

郢子興字魯珍生於南海尤能詩每一篇成必膾炙人  
口後登甲科

韓琮

春愁篇云金烏長飛玉兔走青鬢長青古無有秦娥十  
六語如絃未解貪花惜楊柳吳魚嶺鴈無消息水盼蘭  
情別來久勸君年少莫遊春暖風遲日濃如酒

詠馬云曾經伯樂識長鳴不似龍行不敢行金埒未登  
嘶若是塩車猶駕瘦何驚難逢王濟知音癖欲就燕昭

買駿名早晚飛黃引同卓碧雲天上作鸞鳴

暮春送客云綠暗紅稀出鳳城暮雲樓閣古今情行人  
莫聽宮前水流盡年光是此聲

駱谷晚望云秦川如畫渭如絲去國還鄉一望時公子  
王孫莫來好嶺花多是斷腸枝

二月二日遊客源云舊苑新晴草似苔人還鄉在路青  
開今朝此地成惆悵已後逢春更莫來

公子行云紫袖長衫色銀蟬半臂花帶粧盤水玉鞍繡  
坐雲霞別殿承恩澤飛龍賜渥注控羅青鳥轡鏤象碧  
熏籠意氣催歌舞闌珊走鈿車袖章雲縹緲釵轉鳳歌



斜珠卷迎歸箔雕籠晃醉紗唯無難夜日不得似仙家  
字代封大中中為湖南觀察使待將士不以禮宣宗時  
為都將石載順等所逐

劉滄

中秋夜翫月詩云中秋朗月靜天河烏鵲南飛客恨多  
寒色滿窓明枕簟清光凝露拂煙蘿桂枝斜漢流靈魄  
蘋葉微風動細波此夜空庭聞木葉兼葭霜積鴈初過  
與僧話舊云中烏同時下翠微舊遊因話事多違南朝  
古寺幾僧在北嶺空林唯鳥歸莎徑晚煙凝竹塢石池  
春色染苔衣此來相見又相別即是關河朔鴈飛

經煬帝行宮云此地曾經翠輦過浮雲流水竟如何香  
銷南國美人盡怨入東風芳草多殘柳宮前空露葉夕  
陽川上浩煙波行人遙起廣陵思古渡月明聞棹歌  
咸陽懷古云經過此地無窮事一望悽然感廢興渭水  
故都秦二世咸陽秋草漢諸陵天空絕塞聞邊鴈葉盡  
孤村見夜燈風景蒼蒼多少恨寒山半出白雲層  
長洲懷古云野燒空原盡荻灰吳王此地有樓臺千年  
事往人何在半夜月明潮自來白鳥影從江樹沒清猿  
聲入楚雲哀停車日晚薦蘋藻風靜寒塘花正開  
滄字溫靈大中進士也



柳棠

東川柳棠應進士舉才思優贍揚尚書士汝作鎮日以一巨魚飲之棠不即飲揚公以詩戲之曰文章謾道能吞鳳盃酒何曾解喫魚今日梓州張社會應須遭噎老尚書棠曰未向燕臺逢厚禮幸因社會接餘歡一魚喫了終無愧鷓化為鵬也不難初棠與馮戡善棠及第後戡與詩曰桃花浪裏成龍去竹葉山頭退鷓飛棠每於東川席上狂縱曰甚詩忤揚公云莫言名位未相儔風月何曾阻獻酬前輩不須輕後輩靖安今日在衡州靖安李宗閔尚書與楊公中外昆弟東川益怒為書讓其座主高錯侍郎曰柳棠者克悖置傲識者惡之校過仲容才非犬子且膺門之貴豈宜有此生乎二公以書往返詰難棠不任憂惕其後參越雋軍事而卒

賀蘭朋吉

客舍喜友人相訪云荒居無四鄰誰肯訪來頻古樹秋中蓋他鄉病裏身鴈聲風送急螢影月流新獨為成名晚多慙見友人

賈島寄朋言云往往東林下花香似火焚故園從小別夜雨近秋聞野菜連寒水枯株簇古墳泛舟同遠客尋寺入幽雲斜日扉多掩荒田徑細分相思蟬幾處偶坐



蝶成群會宿曾論道登高省議文苦吟遙可想邊葉向  
紛紛

島又有夜喜賀蘭三見訪詩云漏鍾仍夜淺時節欲秋  
分泉聒棲松鶴風除翳月雲踏苔行引興枕石卧論文  
即此尋常靜來多祇是君

崔珏

岳陽樓晚望云乾坤十里水雲間釣艇如萍去復還樓  
上北風斜卷席湖中西日倒銜山懷沙有恨騷人往鼓  
瑟無聲帝子閑何事黃昏尚凝睇數行煙樹接荆蠻  
哭李商隱云成紀星郎字美我山適歸黃壤抱長歎詞林

枝葉三春盡學海波瀾一夜乾風雨已吹燈燭滅姓名  
長在齒牙寒應遊物外攀琪樹便著霓裳上玉壇

水精枕云十年積雪萬年冰掌上初擎力不勝南國舊  
知何處得北方寒氣此中凝黃昏轉燭螢飛沼白日寒  
簾水在藤蘄篔簹蜀琴相對好裁詩乞與滌煩蒸

鴛鴦云翠鬢紅毛舞落輝水禽情似此禽稀暫分煙島  
猶迴首抵過寒塘亦並飛映霧乍迷金殿瓦遂梭齊上  
玉人機採蓮無限蘭橈女笑指中流候爾歸

珏佐大魏公幕與副車袁克常侍不叶公俱薦之於朝  
珏拜芸閣讎校會有客以絲桐詣公心善之欲振其名



命以所乘馬迎珏賞之公為客請一篇珏因以發其憤  
詩云七條絃上五音寒此藝知音自古難唯有河南房  
次律始終憐得董庭蘭公大恚

珏字夢之登大中進士第

李義山送珏往西川云年少因何有旅愁欲為東下更  
西遊一條雪浪吼巫峽千里火雲燒益州卜肆至今多  
寂寞酒壚從古擅風流浣花箋紙挑紅色好好題詩詠

玉鈞

李洞

上崇賢曹郎中云關坊宅枕穿宮水聽水分衾盡蜀僧

藥杵聲中搗殘夢茶鐺影裏煮孤燈刑曹樹蔭千年并  
華岳樓開萬里氷詩句變風官漸緊夜濤春盡海邊藤  
子規詩云萬古瀟湘波上雲化為流血杜鵑身長疑啄  
破青山色只恐啼穿白月輪花落玄宗歸蜀道兩飛工  
部宿江津一聲猶恐聒君耳千見千愁一甌塵

洞唐諸王孫也常遊西川慕賈浪仙為詩鑄銅像其儀  
事之如神洞為終南山詩二十韻句有殘陽高照蜀敗  
葉遠浮溼復曰斲竹煙嵐凍偷湫雨電腥遠平丹鳳闕  
冷射五侯廳贈司空侍郎云馬鑿食落葉鶴病曬殘陽  
又曰卷箔清谿月敲松紫閣書又送僧云越講迎騎象



蕃齋懺射鵬上高僕射曰征南破虜漢功臣提劍歸來  
萬里身閑倚凌雲金柱看形容消瘦老於真復曰藥杵  
聲中擣殘夢茶鐺影裏煮孤燈送人歸東南云島嶼分  
諸國星河共一天時人但誚其僻澁而不能貴其奇峭  
唯吳子華深知之子華才力浩大八面受敵以韻著稱  
遊刃頗攻騷雅嘗以百篇示洞洞曰大兄所示百篇中  
有一聯絕唱西昌新亭曰暖漾魚遺子晴遊鹿引麋子  
華不怨所鄙而喜所許

洞終南山詩云關內平田窄東西截杳冥雨侵諸縣黑  
雲破九門青暫看猶無暇長栖信有靈古苔秋漬斗積  
霧夜昏螢怒恐撞天漏深疑隱地形盤根連北嶽轉影  
落南溟窮穴何山出遮蠻上國寧殘陽高照蜀敗葉遠  
浮涇斲竹煙嵐凍偷湫雨電腥閑房僧灌頂浴澗鶴遺  
翎梯滑危緣索雲深靜唱經放泉驚鹿睡聞磬得人醒  
踏逐神仙宅敲開洞府扃碁殘秦士局字缺晉公銘一  
谷勢開子孤峯聳起丁遠平丹鳳闕冷射五侯廳萬丈  
水聲折千尋樹影亭望中仙島動行處月輪馨疊石移  
臨砌研膠潑上屏明時獻君壽不假老人星  
送僧遊南海云春往海南邊秋聞半路蟬鯨吞洗鉢水  
犀觸點燈舡島嶼分諸國星河共一天長空却歸日松



偃舊房前

賦得送賈島謫長江云敲驢吟雪月謫出國西門行傍  
長江影愁深泪水魂印携過燒寺琴曲在花村饑食山  
松子誰知賈傳孫

題維摩暢林居云諸方遊幾膈立夏五峯銷越講迎騎  
象蕃齋懺射鵬冷筇書雪倚枯櫟畫雲燒從此西林老  
瞥然三萬朝

鄭谷哭洞詩云自聞東蜀病唯我最關情若近長江死

想君勝再生

李生酷愛浪仙詩

瘴蒸丹旆濕燈隔素帷清塚樹

僧裁後新蟬一兩聲

長孫翱

長孫翱朱慶餘各有宮詞翱詞曰一道甘泉接御溝上  
皇行處不曾秋誰言水是無情物也到宮前咽不流朱  
曰寂寂花時閉院門美人相對泣瓊軒含情欲說宮中  
事鸚鵡前頭不敢言

崔魯

春晚岳陽城言懷云煙花零落過清明異國光陰老客  
情雲夢夕陽愁裏色洞庭春浪坐來聲天邊一與舊山  
別江上幾看芳草生獨凭欄干意難寫暮笳鳴軋調孤  
城



華清宮詩云銀河漾漾月輝輝樓礙星邊織女機橫玉  
叫雲清似水滿空霜逐一聲飛又云障掩金鷄蓄禍機  
翠華西拂蜀雲飛珠簾一閉朝元閣不見人歸見燕歸  
又云草遮回磴絕鳴鑾雲樹深深碧殿寒明月自來還  
自去更無人倚玉欄干又云門橫金鎖悄無人落日秋  
聲渭水濱紅葉下山寒寂寂濕雲如夢雨如塵

魯慕杜紫微為詩魯才清麗而近蕩有無機集三百篇  
尤能詠物如梅花詩曰強半瘦因前夜雪數枝愁向晚  
天來復曰初開已入雕梁畫未落先愁玉笛吹山寺詩  
曰雲生柱礎降龍地露洗林巒放鶴天蓮花詩曰無人

解把無塵袖盛取殘香盡日憐魯有酒失於虔州陸郎  
中肱以詩謝之曰醉時顛蹶醒時羞麴蘖推人不自由  
叵耐一雙窮相眼不堪花卉在前頭出撫言

魯大中時進士也

山路見花詩云曉紅初折露香新獨立空山冷笑春春  
意自知無主惜恣風吹逐馬蹄塵

岸梅云含情含怨一枝枝斜壓漁家短短籬惹袖尚餘  
香半日向人如訴雨多時初開偏稱雕梁畫未落先愁  
玉笛吹行客見來無去意解帆煙浦為題詩

曹唐



暮春戲贈吳公云年少英雄好丈夫大家望拜漢金吾  
閑眠曉日聽鷓鴣笑倚春風杖轆轤深院吹笙從漢婢  
靜街調馬任奚奴牡丹花外簾鈎下獨凭紅肌捋虎鬚  
病馬云騾耳何年別渥洼病來顏色半泥沙四蹄不鑿  
銀砧裂雙眼慵開玉獨斜墮月兔毛輕辭藪矢雲龍骨  
瘦牙槎平原好放無人放嘶向秋風首荷花

唐寓江陵佛寺寺有亭沼唐得句曰水底有天春漠漠  
人間無路月茫茫明日還坐沼上有二婦人素裳徐步  
詠所得之詩唐迫而訊之不應未十步而沒數日唐亦  
殂竟不成名

簫聲欲盡月色苦依舊漠漠宮樹秋遊仙看却龍鬚攀  
不得九霄零落鼎湖弓一曲哀歌茂陵道漢家天子  
葬秋風句誰知漢武無仙骨滿竈黃金成白煙右張  
為取竹主客圖

唐字堯賓桂州人初為道士後為使府從事咸通中卒  
作遊仙詩百餘篇其友人曰堯賓曾作鬼詩唐曰何也  
曰水底有天春寂寂人間無路月茫茫非鬼詩而何唐  
大哂遊仙詩今見一絕云靖節先生幾代孫青娥曾接  
玉郎魂春風流水還無賴偷放桃花出洞門唐詩屬對  
清切如鷓鴣思起歌聲動鷓鴣身翻舞袖齊斬蛟青海



上射虎黑山頭此類頗多

于武陵

孤雲詩云南北各萬里有雲心更閑因風離海上伴月到人間洛浦少高一作佳樹長安無舊山徘徊不可住漢

漠又東還

客中云楚人歌竹枝遊子淚沾衣異國久爲客寒宵頻夢歸一封書未返千樹葉皆飛南度洞庭水更應消息稀

長信宮云簾涼秋氣初長信恨何如拂黛月生指理髮雲滿梳一從悲畫扇幾度泣前魚坐聽南宮樂清風疑

翠裙

武陵會昌時詩人也

白日不西落紅塵應亦深句青山如有利白石亦成塵句四海少平路千川無定波句右張爲取作主客圖

霍揔

郡樓望九華歌云樓上坐見九子峯翠雲赤日光溶溶有時朝昏變疎密八峯和煙一峯出有時風卷天雨晴聚立連連如弟兄陽鳥生子偶成數丹鳳養鷓同此名日日遙看機已靜未離塵躡尋真境子明龍騰九動垓陵陽相對空崔嵬玉漿瑤草不可見自有神仙風馬來



武元衡嘗有送摠詩云瑟絲簫管怨津樓三奏行人醉  
不留別後相思江一岸落花飛處杜鵑愁  
摠咸通時爲池州刺史

劉魯風

魯風江西投謁所知頗爲典客所阻因賦一絕曰萬卷  
書生劉魯風煙波萬里謁文翁無錢乞與韓知客名紙  
毛生不肯通

魯風張又新客也又新水記曰予刺九江有客李滂門  
士劉魯風

自<sup>元</sup>後唐文甚振以文學科第爲一時之榮及其流弊

也士子豪氣罵吻遊諸侯門諸侯望而畏之如劉魯風  
姚崑傑柳崇平曾之徒其文皆不足取余故載之者以  
見當時諸侯爭取譽於文士此蓋外重內輕之牙蘖如  
李益者一時文宗猶曰感恩知有地不上望京樓其後  
如李山甫輩以一名第之失至挾方鎮劫宰輔則又有  
甚焉者矣一篇一韻初若虛文而治亂之萌係焉余以  
是知其不可忽也

盧尚卿

咸通十一年以龐勛盜據徐州又屯戍卒連年飛輓物  
力方虛因詔權停貢舉一年是歲尚卿自至闕聞詔而



迴乃賦東歸詩曰九重丹詔下塵埃深瑣文闈嚴選才  
桂樹放教遮月長杏園終待隔年開自從玉帳論兵後  
不許金門諫獵來今日灞陵橋上過門人應笑臘前迴  
尚卿至僖宗中和二年始登第於蜀

唐詩紀事卷第五十八

唐詩紀事卷第五十九

薛瑩

褚載

汪遵

蕭遇

盧渥

李訥

崔元範

楊知至

封彥卿

盧鄴

高湘

盧澥

滕倪

林傑

李明遠

李章武

郭圓

薛逢

附建子張洪靖

韓察

崔恭

崔公信

陸漚

胡証

高銖

張賈

李德裕

薛瑩

中秋月云三十六旬盈復缺百年堪喜又堪傷勸君莫  
惜登樓望雲放嬋娟不久長



唐詩紀事卷五十九  
一  
猪載

雲詩云盡日看雲首不迴無心都大似無才可憐光彩  
一片玉萬里青天何處來

賀趙觀文重試及第云一枝仙桂兩回春始覺文章可  
致身已把色絲要上第又將絲筆冠群倫龍泉再淬方  
知利火浣重澆轉更新今日街頭看御榜大能榮耀苦  
心人

按觀文乾寧二年崔凝下第八人登第是年命陸辰重  
試而觀文爲榜首

陸威爲郎官載以文投獻數字犯其家諱威因矍然載  
尋以牋致謝曰曹興之圖畫雖精終慙誤筆殷浩之矜  
持太過翻達空函  
載字厚之登乾寧進士第

汪遵

五湖詩云已立平吳霸越功片帆高颺五湖風不知戰  
國縱橫者誰似陶朱得始終

澠池云西秦北趙各稱高池上張筵列我曹何事君王  
親擊缶相如有劔可吹毛

函谷關云脫禍東奔壯氣催馬如飛電勢如雷當時若  
不聽彈鋏那得關門夜半開



唐詩卷之九  
導幼爲吏許崇應二十餘舉導猶在胥徒善爲絕句詩而深晦密一日辭役就貢會崇送客至灞滻間遇導於途訊曰何事至京導曰就貢崇怒曰小吏無禮後導成名五年崇始登第

秦築長城比鐵牢蕃戎不敢過臨洮雖然萬里連雲際爭及堯階三尺高導長城詩也得名於時

導宣城人登咸通七年進士第許崇其鄉人也水泉花木好高樹嵩少縱橫滿目前惆悵人間不平事今朝身在海南邊導題李太尉平泉莊詩也

### 蕭遇

春詩云南北韶光早春風送臘來水堤煙報柳山寺雪驚梅練色鋪江曉潮聲送渚迴青旗問沽酒何處撥寒

醅

蕭與韋保衡同年登第保衡以幸進而蕭自標致衡銜之既相摘蕭之失貶播州司馬途經三峽月夜賦詩自悼懼其見害若有人告曰公其勿憂蕭後爲相

### 盧渥

渥字子章軒冕之盛近代無比伯仲四人咸居顯列乾符初母憂服闋渥自前中書舍人拜陝府觀察使弟沼前長安令除給事中弟沅自前集賢校理除左拾遺弟



治自畿尉遷監察御史詔書疊至士族榮之及赴任陝  
郊洛城自居守分司朝臣已下設祖筵洛城為之一空  
都人聳觀亘數十里渥題嘉祥驛詩曰交親榮餞洛城  
空秉鉞戎裝上將同星使自天丹詔下雕鞍照地數程  
中馬嘶靜谷聲偏響旆映青山色更紅到後定知人易  
化滿街棠樹有遺風

渥在舉場甚有時稱曾於澹水逆旅遇宣宗微行意其  
貴人斂身避之呼與相見乃自稱進士盧渥帝請詩卷  
袖之而去它日對宰臣語及盧渥令主司擢第宰臣問  
渥與主上有何階緣渥具陳其由時亦不以為忝

渥應舉之歲偶臨御溝見一紅葉葉上有絕句置於巾  
箱或呈於同志及宣示放宮人初下詔許從百官司吏  
獨不許貢舉人盧後一任范陽獲其退宮人覩紅葉而  
藏巾篋驗其書無不驚訝詩曰水流何大急深宮盡日  
閑慙懃謝紅葉好去到人間出本事詩

唐末渥自陝府廉察入朝知舉遇巢寇犯闕不及終場  
趙崇戲之曰出腸不生養主司也蓋盧氏未嘗知舉盧  
相携耻之為主文卒不果渥終檢校司徒

李訥

李尚書訥為浙東廉使夜登越城樓聞歌曰鴈門山上



鴈初飛其聲激切召至曰去籍之妓盛小叢也時察院  
崔侍御元範自府幕赴闕庭李餞之命小叢歌餞在坐  
各為一絕贈送崔下句云獨向栢臺為老吏或曰侍御  
鳳閣中書即其程也何老於栢臺請改之崔不可是年  
秋崔鞫獄譙中乃終於栢臺之任訥詩云繡衣奔命去  
情多南國佳人歛翠娥曾向教坊聽國樂為君重唱盛  
叢歌

訥故侍郎建字杓直子字敦正大中時為浙東觀察  
使卒於兵部尚書

### 崔元範

元範詩云羊公留宴峴山亭洛浦高歌五夜情獨向栢  
臺為老吏可憐林木響餘聲  
元範以監察御史為浙東幕府

### 楊知至

知至詩云燕趙能歌有幾人為花回雪似含嚔頻隨御  
史西歸去誰伴人翁怨九春

知至時為浙東團練判官

會昌四年王起奏五人楊知至刑部尚書源重故相牛

孫鄭禮河東節度使楊嚴監察御史竇絨故相有旨

令送所試雜文付翰林重考覆續奉進旨楊嚴一人宜



與及第源重等四人落下知至因以長句呈同年曰由  
來梁燕與冥鴻不合翩翩向碧空寒谷謾勞鄒氏律長  
天獨遇宋都風此時泣玉情雖異他日嘶環事亦同二  
月春光正搖蕩無因得醉杏園中

知至字幾之登進士第為宰相劉瞻所善擢累戶部侍郎

封彥卿

彥卿詩云蓮府纔為綠水濱度泉之在王儉幕府以忽芙蓉泛綠水故有此句

乘驄馬入咸秦為君唱作西歌調日暮偏傷去住人

彥卿大中進士第為浙東觀察判官戶部尚書教之子

盧鄴

鄴詩云何郎載酒別賢侯更吐歌珠宴庾樓莫道江南

不同醉即陪舟楫上京溝

鄴大中四年登第為浙東觀察使

高湘

湘詩云謝安春渚餞袁宏千里仁風一扇清歌黛慘時

方醕酏不知父子重飛觥唐父子之學三家高錯于湘

湜子邵子允躬崔郾子瑤唯崔氏相去只二十年咸通

末路崑作相除不附已者十司戶崔沆循州李瀆繡州

李藻費州湘高州湘與兄湜不睦湜為中書舍人與崑



善湘到任憤澁不已嘗賦詩曰唯有高州是當家  
湘字濬之錯之子為右諫議大夫

### 盧澥

澥詩云烏臺上客繡衣公共捧天書靜境中桃李不須  
歌白苧耶溪暮雨起樵風  
澥浙東處士也

### 滕倪

滕倪苦心為新詩嘉聲早播遠之吉州謁宗人太守郎  
中邁邁每吟其句云白髮不能容相國也同開客滿頭  
生又題鷺鷥障子云映水有深意見人無懼心邁曰魏

文惜陳思之學潘岳褒正叔之文貴集一家之盛如此  
倪遍秋試捧笈告遊留詩為別悵然曰是必不祥倪至  
秋卒於商於館舍聞者莫不傷焉倪詩曰秋初江上別  
旌旗故國無家淚欲垂千里未知投足處前程便是聽  
猿時誤攻文字身空老却返樵漁計已遲羽翼凋零飛  
不得丹霄無路接差池

### 林傑

林傑字智問幼而秀異言則成文年六歲請舉童子時  
父肅為閩府大將性樂善尤好聚書又妙於手譚當時  
名公多與之交及有是子益大其門庶使崔侍郎于亟



與遷職鄉人榮之傑五歲父携行至王仙君霸壇戲問  
童子能詩乎傑口占云羽客已登雲路去丹爐草木盡  
凋殘不知千載歸何日空使時人掃舊壇父初不謂眇  
歲之作遽臻於此群親益驚異迺相傳諷自此日課所  
為未幾盈軸明年遂獻唐中丞唐既伸幅窺吟聳爾駭  
嘆命子弟延入學院時會七夕賦乞巧詩傑援筆曰七  
夕今宵看碧霄牛郎織女渡河橋家家乞巧望秋月穿  
盡紅絲幾百條唐嘆曰真神童耳傑又精於琴碁草隸  
俱有天然不煩師授唐因與賓從碁或全局輸者令罩  
之勿觸取童子來繼終其事傑必指縱出奇往往返勝  
曲盡其妙時謂神助後復業詞賦頗振聲問有仙客入  
壺中賦云仙客以變化隨形逍遙放情處於外則一壺  
斯在入其中則萬象俱呈飛閣重樓不是人間之狀奇  
花異木無非物外之名至九歲謁盧大夫身黎常侍直  
無不嘉獎尋就賓廡日在宴筵李侍御遠趙支使格深  
所知仰不捨斯須和趙支使詠荔枝詩云金盤摘下排  
朱顥紅殼開時飲玉漿鄭副使立作奇童傳劉制置潼  
為序以貽之至年十七方結束琴書將西邁而殂

李明遠

宣宗時太僕卿韋覲以構醮之故為女巫誣告帝知其



究詔誅誣謫覲潘州司馬李明遠時為監察御史有詩  
曰北鳥飛不到南人誰去遊天涯浮瘴水嶺外向潘州  
草木春秋暮猿猴日夜愁定知遷客淚應只對君流

### 李章武

太和末勅僧尼試經不通者勒還俗章武為成都少尹  
有山僧云禪觀有年未嘗念經今被追試前業棄矣章  
武贈詩曰南宗尚許通方便何處心中更念經好去苾  
芻雲水畔何山松柏不青青諭主者特免試

### 郭圓

世傳張延賞韋臯持節劔南相代之事頗為延賞之恥

郭泗濱圓詩曰宣父從周又適秦昔賢誰不困風塵當  
時甚訝張延賞不識韋臯是貴人南部新書云韋臯見  
辱於張延賞崔圓受薄於李彥允皆文人子壻為西川  
交代

圓會昌中檢校司門外郎為劍南李固言從事

### 薛逢

子廷珪

逢字陶臣蒲州人會昌進士初與劉瑒交會瑒當國有  
薦逢知制誥者瑒猥曰先朝以兩省官給事舍人先治  
州縣乃得除逢未試州執不可乃出刺巴州而楊牧王  
鐸同牒署收輔政逢有詩微辭幾訕收街之復斥逢繇



二州刺史鐸為相又以詩訾鐸云昨日鴻毛萬鈞重今  
朝山嶽一毫輕遂不見齒終秘書監題黃花驛云孤戍  
迢迢蜀路長鳥鳴山館客思鄉更看絕頂煙霞外數樹  
晶花照夕陽

元日田家云南村晴雪北村梅樹裏茅簷晚盡開蠶  
出門兒婦去鳥飛迎路女郎來相逢但祝新正壽對舉  
那愁暮景催長笑士林因管別一官輕是十年迴  
賀楊收作相詩云闕下憧憧車馬塵沉浮相次宦遊身  
須知金印朝天客同是沙堤避路人威鳳偶時因瑞聖  
應龍無水謾通神立門不是趨時客始向窮途學問津

蓬命二道士貌真自為贊曰裝造薛逢長七尺五寸於  
是絕筆終未能續一旦忽一羽衣詣門見真讚命筆續  
之云手把金斧鑿開混沌池長揖西去不知所之逢鑿開  
混沌賦得名也

漢武帝詞云武帝清齋夜築壇自斟明水醮仙官殿前  
童女移香案雲際金人捧露盤絳節有時還入夢碧桃  
何事更驂鸞茂陵煙雨埋弓劍石馬無聲蔓草寒

張洪靖

洪靖為太原節度使有山亭懷古詩云叢石依古城懸  
泉灑清池高低表丈內衡霍相蔽虧歸田竟何因為郡



豈所宜誰能辦大野寄適聊在斯

韓察

節度判官侍御史韓察和云公府政多暇思與仁智全  
為山想崑穴引水聽潺湲軒冕迹自逸塵俗無由牽蒼  
生方驕望詐得賦歸田

崔恭

節度副使檢校右散騎常侍崔恭和云高情樂閑放寄  
跡山水中朝霞鋪座右虛白貯清風潛竇激飛泉石路  
躋且崇步武有勝槩不與俗情同

恭能文嘗叙  
深肅文集

崔公信

觀察判官兼殿中侍御史崔公信和云疊石狀崖巖翠  
含城上樓前移廬霍峯遠帶沅湘流瀟洒主人靜寅緣  
芳徑幽清輝在昏旦豈異東山遊

陸灑

給事中陸灑和云激水瀉飛瀑奇懷良在茲如何謝安  
石要結東山期入座蘭蕙馥當軒松桂滋於焉悟幽道  
境寂心自怡

胡証

左金吾衛大將軍胡証和云飛泉天台狀峭石蓬萊姿  
潺湲與青翠咫尺當幽奇居然盡精到得以書妍詞豈



無他山勝懿此清軒墀

高銖

節度判官監察御史高銖和云鬪石類品巖飛流瀉潺  
湲遠壑簷宇際孤巒雉堞間何必到海岳境幽機自閑  
茲焉得高趣高步謝東山

張賈

尚書左丞張賈和云中庭起崖谷漱玉下漣漪丹丘誰  
云遠寓象得心期豈不貴鍾鼎至懷在希夷唯當蓬萊  
閣靈鳳復來儀賈洪靖從姪也

李德裕

節度掌書記監察御史李德裕和云崑石在朱戶風泉  
當翠樓始知峴亭賞難與清輝留餘景澹將夕疑嵐輕  
欲收東山有歸志期同亦松遊

洪靖字元理元和中自宰相出為河東節度使公信登  
元和元年進士第洪靖帥大原辟為掌記後以德裕代  
之以公信為觀察判官深登正元元年進士第証河東  
人舉進士第元和十三年自振武節度使召任金吾大  
將軍趙宗儒鎮河中証時建節赴振武備棗梓禮入謁  
持刺稱百姓獻趙公書云詩書入京國旌旆過鄉關州  
里榮之出因退之奉酬振武十二丈大夫詩云傾朝共



羨寵光頻半歲遷騰作虎臣弩矢前驅煩縣令

一云旆暫停

辭社里門先下敬鄉人橫飛玉醜家山曉遠蹠金珂塞

草春自笑平生誇膽氣不離文字鬢毛新恭終汾州刺

史銖字權仲既擢第為洪靖幕府後為太常卿賈為章

夏卿所知後至達官初以謫御史為華州上佐以詩贈

劉夢得云夫子生知者相期妙理中夢得以忘言之句

別之曰東簡下高閣買符驅短轅故人惜分袂結念醉

芳罇切切別思纏蕭蕭征驛煩臨歸無限意相視却忘

言

唐詩紀事卷第五十九



